

淮南集證

一
五
十
冊

淮南集證

野侯題端

淮南鴻烈解敘

漢涿郡高誘撰

淮南王名安厲王長子也長高皇帝之子也其母趙

氏女

莊氏達吉日按漢書傳不云趙氏女而云其弟趙兼

爲趙王張敖美人高

皇帝七年討韓王信於銅鞮信亡走匈奴上遂北至

樓煩還過趙不禮趙王趙王獻美人趙氏女得幸有

身趙王不敢內之於宮爲築舍於外及貫高等謀反

發覺并逮治王盡收王家及美人趙氏女亦與焉吏

以其得幸有身聞上上方怒趙王未理也趙美人弟

兼因辟陽侯審食其言之呂后呂后不宥白辟陽侯

亦不彊爭及趙美人生男恚而自殺吏奉男詣上上

命呂后母之封爲淮南王暨孝文皇帝卽位長弟上

書願相見詔至長安日從游宴驕蹇如家人兄弟怨
辟陽侯不爭其母於呂后因椎殺之上非之矣袒詣
闕謝罪奪四縣還歸國爲黃屋左纁稱東帝坐徙蜀
嚴道死於雍上閔之封其四子爲列侯時民歌之曰
一尺繒好童童一升粟飽蓬蓬兄弟二人不能相容
上聞之曰以我貪其地邪乃召四侯而封之其一人
病薨長子安襲封淮南王次爲衡山王次爲廬江王
太傅賈誼諫曰怨讎之人不可貴也後淮南衡山卒
反如賈誼言初安爲辨達善屬文皇帝爲從父數上
書召見孝文皇帝甚重之詔使爲離騷賦

孫氏詒讓曰莊校云

本傳作使爲離騷傳按此自作賦與本傳不同文
心雕龍神思篇云淮南崇朝而賦騷卽本高敘

自

旦受詔日早食已上愛而秘之天下方術之士多往

歸焉於是遂與蘇飛李尚左吳田由雷被毛技伍被

晉昌等八人

洪氏頤煊曰史記淮南列傳索隱引淮南要略云安養士數千高才者八人蘇

非李尚左吳陳由伍被毛周雷被晉昌號爲八公按要略無此文唯高誘序見此八人陳由作田由毛周

作毛技唐本敘在要略後故索隱以爲要略文○梁氏玉繩曰壽春八公山以八人得名水經肥水注言

左吳與王春傳生等尋安同詣玄洲還及諸儒大山爲著記則八公名目又與高序異矣

小山之徒共講論道德總統仁義而著此書其旨近

老子淡泊無爲蹈虛守靜出入經道言其大也則燾

天載地說其細也則淪於無垠及古今治亂存亡禍

福世間詭異瓌奇之事其義著其文富物事之類無

所不載然其大較歸之於道號曰鴻烈鴻大也烈明

也以為大明道之言也故夫學者不論淮南則不知
大道之深也是以先賢通儒述作之士莫不援采以
驗經傳以父諱長故其所著諸長字皆曰脩光祿大
夫劉向校定撰具名之淮南又有十九篇者謂之淮
南外篇自誘之少從故侍中同縣盧君受其句讀誦
舉大義會遭兵災天下棊峙亡失書傳廢不尋脩二
十餘載建安十年辟司空掾除東郡濮陽令覩時人
少為淮南者懼遂陵遲於是以朝輔事畢之間乃深
思先師之訓參以經傳道家之言比方其事為之注
解悉載本文并舉音讀典農中郎將并揖借八卷刺
之會揖身喪遂亡不得

孫氏曰莊校云并古卞字漢
隸并字多作元後遂變為卞

莊校是也元和姓纂卞姓云濟陰冤句人魏卞揖生
統爲晉瑯琊內史生粹中書令子瞻盱眙瞻然則此
止弁揖卽卞揖爲壺之曾祖晉書壺傳所載世系
至十七年遷監河東復更補足淺學寡見未能備悉其所
不達注以未聞唯博物君子覽而詳之以勸後學者
云爾

校正淮南內篇札記

淮南內篇自宋刻外昔人所稱以道藏本劉績本爲最古然已不可多見乾隆間武進莊氏本出當時以爲得藏本之真高郵王氏抉擇而參證之而後知其書之不足據也予於辛卯年在京口時從友人處假顧氏千里淮南校勘記一冊係以道藏本校莊刻者跋曰此淮南武進本校則嘉定錢坫獻之也錢實未見道藏本所見校道藏本耳故其稱說全無一是今
悉用道藏改正奔之箇中倘後有好事者重付剞劂則道藏之真面目可從此而識矣顧廣圻記因

遂錄於莊本之上是爲校讀淮南之始

世傳淮南北宋本由黃氏士禮居轉歸汪閬原道光

年時陳氏碩甫曾有校本傳鈔於世

跋曰北宋淮南書二十一卷此

最善本也舊藏蘇州黃主事士禮居後歸山塘汪氏
高郵王尚書借鈔屬校字句多漫漶對頗不易易

自與汪道不相謀者有其書不能稽覽未及過錄常
自恨惜顧淵濱翁曾有景鈔本稱甚精核胡君兩塘

四十白金換得之即士禮居舊藏本也今向兩塘借
校重睹至寶又得蘭隣先生札屬代校一過其不同

處悉書於字側而并箸行款如宋孰得孰失必有能
辨之者道光十四年長洲陳奐計五十日校數識此

黃學士仲弢有逡錄本校勘一過自比藏本爲優然

亦不能無譌舛處蓋古子書非有專家定本傳逡奪

壞遠自唐前宋人校刊不敢多所竄定其矜慎若師

然非得乾嘉諸先生博綜羣書正其文字則句讀不

可通文義無由瞭也予既傳錄藏本宋本校文亦刺

取諸先生之說簡端詳記歲月既久舊集浸多乃別

寫清本分列各條之下取便省覽非云述作

莊本訛舛脫誤不可殫述又其付刊時未曾細意校
讎故於附案各條中帝虎陶陰亦復時見宜顧氏取
以爲誚也此錄採擇其言兼刊其誤庶不沒前人校
訂之苦心

王氏讀書雜誌九校本書二十二卷徵引宏博攷覈
詳明蓋積數年之功力其精塙爲他人所莫及今茲
集錄卽以爲標準雖其間有殊悒爲後來所詰難者
然先者難爲知後者易爲攻也寶應劉氏端臨有淮
南子補校一卷未見王氏之書故有重出之處今擇
而錄之

臨海洪氏筠軒讀書叢錄有校淮南一卷與俞氏曲

園淮南內篇平議亦有複出者洪則未見王志俞亦未知洪錄也今核其異同而錄之近孫徵君仲頌所箸札邊中有淮南校語一卷趙文學森甫亦有攷證淮南數則今併採入本書之內

淮南許高二注之別前人未有顯判道光間蘇魏公集出中有校淮南子題序一首而後知許注高注存佚相補合爲一裘會稽陶氏子績本其說著淮南許注異同詁六卷夫而後許氏之書昭然若揭較諸孫氏馮翼蔣氏曰豫所輯許說掇摭旣廣釐別獨精南閣之義於以不隳焉此錄全行採入其孫蔣二家之說不再著錄

予之集證以文字爲主不及義釋錢氏澥亭天文訓
補注乃補高氏所未釋今於其書中有關乎訛誤者
錄之其注文概不採入

淮南書博大精深網羅先秦古籍至爲完備譚復堂
氏謂爲九流之鈐鑰欲求百家之學者當以此爲權
輿譚氏曾於莊本校錄諸家之說友人徐君行可有
盜錄本向其假閱其搜輯與予大致相同其自校各
條採入書內又漢陽李星樵太史撰有淮南義訓疏
補之作其書繁徵博引詮釋精皜凡關乎訂訛栞誤
者全行採入其餘限於篇幅不及備錄

今本牴牾紕繆雖諸家參攷詳密時復見於行間宋

宣獻有言校書如拂几上塵旋拂旋生是也今復細
加鉤析斂字既增誤文亦削其義類所觸或撫實略
虛或舍新徵舊要亦因其有可徵者而妄參之拘學
抱咫尺之義惟文字是求而傳訛沿誤之說不取焉
此書自光緒辛卯年起至丙申春葢事當日僅一草
訂本存於篋笥尙待謄真壬子癸丑閒僑寓南昌友
人豐城熊君譯元見而好之謂可作淮南讀本因命
寫官錄一清本茲假得譚氏李氏兩書又增訂數十
條實爲幸事第千年古籍流傳到今其中可議者尙
多自愧盲學不能多事研求世有好學深思之士亮
其孤陋董而正之

七十七老人孔翁自識

採輯諸家書目

陳氏奐校宋本

顧氏千里校道藏本

譚氏獻校莊氏本

王氏念孫讀書雜志

劉氏台拱淮南子補校

錢氏塘淮南天文訓補注

蔡氏雲注月令章句

盧氏文弢鍾山札記

洪氏頤煊讀書叢錄

桂氏馥札樸